

Hysbysiad Preifatrwydd: Contractwyr/Cyflenwyr

1. Fel un o'ch cleientiaid, mae'n ofynnol i Grŵp ateb (gan gynnwys Mill Bay Homes a Gofal a Thrwsio Gorllewin Cymru), y cyfeirir ato fel "y Grŵp", gadw a phrosesu gwybodaeth amdanoch at ddibenion ariannol a dibenion cydymffurfio.

Dim ond at ein dibenion rheoli a gweinyddu ni y defnyddir y wybodaeth y byddwn yn ei chadw ac yn ei phrosesu. Byddwn yn ei chadw ac yn ei defnyddio i'n galluogi i redeg y busnes a rheoli ein perthynas â chi yn effeithiol, yn gyfreithlon ac yn briodol yn ystod y broses o werthuso'r tendr a rheoli'r contract.

Mae hynny'n cynnwys defnyddio gwybodaeth i'n galluogi i sicrhau bod eich cais am dendr yn cydymffurfio â'n gofynion mewnol ni ac â gofynion cyfreithiol. Os na fyddwch yn darparu'r data hwn mae'n bosibl, mewn rhai amgylchiadau, na fydd modd i ni gydymffurfio â'n rhwymedigaethau a byddwn yn sôn wrthyh am oblygiadau'r penderfyniad hwnnw.

2. Ni fyddwn yn prosesu eich data oni bai bod gennym reswm cyfreithlon i'w brosesu. Mae hynny'n cynnwys defnyddio gwybodaeth i'n galluogi i gydymffurfio â'r contract sy'n bodoli rhyngom, cydymffurfio ag unrhyw ofynion cyfreithiol, mynd ar drywydd buddiannau dilys y Grŵp a gwarchod ein sefyllfa gyfreithiol pe bai yna achos cyfreithiol.
3. Mae'n bwysig bod y wybodaeth bersonol yr ydym yn ei chadw amdanoch yn gywir ac yn gyfredol. Cofiwch roi gwybod i ni os bydd eich gwybodaeth bersonol yn newid yn ystod eich perthynas waith â ni.

Egwyddorion diogelu data

4. Byddwn yn cydymffurfio â chyfraith diogelu data, sy'n nodi bod yn rhaid i'r wybodaeth bersonol sydd gennym amdanoch:
 - a. Cael ei defnyddio mewn modd cyfreithlon, teg a thryloyw.
 - b. Cael ei chasglu at ddibenion dilys yn unig, sydd wedi'u hesbonio yn glir i chi, heb iddi gael ei defnyddio mewn unrhyw ffordd sy'n anghydnaws â'r dibenion hynny.
 - c. Bod yn berthnasol i'r dibenion yr ydym wedi sôn wrthyh amdanynt, a bod wedi'i chyfyngu i'r dibenion hynny yn unig.
 - ch. Bod yn gywir ac yn gyfredol.
 - d. Cael ei chadw cyhyd ag sydd raid yn unig at y dibenion yr ydym wedi sôn wrthyh amdanynt.
 - dd. Cael ei chadw'n ddiogel.

Pa wybodaeth y byddwn yn ei chasglu

5. Mae'r math o wybodaeth y byddwn yn ei chadw yn cynnwys:

- eich ymateb i'r broses cymhwyso i dendro a'ch geirdaon
- dogfennau sy'n ymwneud â chi, e.e. tystysgrifau hyfforddiant a chymwysterau, dogfennau adnabod, e.e. cardiau Gas Safe
- manylion cyswllt a manylion cyswllt mewn argyfwng
- lluniau a dynnwyd ohonoch yn ystod oriau gwaith/digwyddiadau'n gysylltiedig â'r gwaith
- lluniau ohonoch y gallent fod wedi'u recordio ar ein systemau teledu cylch cyfyng
- recordiadau o alwadau ffôn allanol (rhai a wnaed ac a dderbyniwyd).

6. Bydd y rhan fwyaf o'r wybodaeth y byddwn yn ei chadw yn wybodaeth y byddwch chi wedi'i darparu yn ystod y broses dendro, a chaiff ei chadw ar borth diogel eDendro (sydd â'i hysbysiad preifatrwydd ei hun y dylech gyfeirio ato yn y cyswllt hwn).

Mae'n bosibl y bydd peth gwybodaeth yn dod o ffynonellau allanol eraill, megis eich adroddiadau ariannol, cwmnïau sy'n gwirio sgorau credyd, dogfennau sydd ar gael yn gyhoeddus ar wefan Tŷ'r Cwmnïau, neu'ch gwefan chi.

Sut y caiff y wybodaeth ei defnyddio

7. Fel Grŵp, byddwn yn prosesu eich data am y rhesymau canlynol:

- a. Er mwyn cyflawni'r contract sydd rhyngom
- b. Er mwyn cyflawni ein rhwymedigaethau cyfreithiol
- c. Er mwyn mynd ar drywydd ein buddiannau dilys (fel y cânt eu hegluro isod)
- ch. Os oes unrhyw anghydfod cyfreithiol yn codi rhyngom; a
- d. Mewn rhai amgylchiadau, oherwydd bod hynny er budd y cyhoedd.

Mae natur ein buddiannau dilys fel a ganlyn:

- Gwarchod ein busnes trwy wirio cefndir ariannol y sawl yr ydym yn gweithio gyda nhw
- Cydymffurfio â gofynion corff/cyrff achredu perthnasol er mwyn gwarchod ein sefyllfa gyfreithiol a chynnal ein statws fel corff achrededig
- Monitro cyfle cyfartal
- Darparu gwybodaeth weithredol a gwybodaeth reoli
- Cadarnhau neu gyflwyno hawliadau cyfreithiol neu'n hamddiffyn rhag hawliadau o'r fath
- Hyrwyddo ein gwasanaethau a'n gweithgareddau.

Os mynd ar drywydd ein buddiannau dilys yw'r unig reswm dros brosesu eich data, ni fyddwn fyth yn prosesu eich data os yw eich buddiannau chi'n bwysicach na'r buddiannau a restrir uchod.

8. Mae'n bosibl y byddwn yn trosglwyddo gwybodaeth amdano i gwmnïau eraill y Grŵp at ddibenion sy'n gysylltiedig â'ch contract.

Defnyddio gwybodaeth sensitif

9. Mae angen trefniadau diogelu llymach ar gyfer categorïau penodol o wybodaeth arbennig o sensitif. Mae angen i ni gyfiawnhau ymhellach ein rhesymau dros gasglu, storio a defnyddio'r math hwnnw o wybodaeth bersonol. Mae gennym ddogfen bolisi a mesurau diogelu priodol ar waith, y mae'n ofynnol yn ôl y gyfraith i ni eu dilyn wrth brosesu data o'r fath. Gallem brosesu'r categorïau arbennig hyn o wybodaeth sensitif yn yr amgylchiadau canlynol:
 - a. Mewn amgylchiadau cyfyngedig, gyda'ch caniatâd ysgrifenedig penodol.
 - b. Os oes angen i ni gyflawni ein rhwymedigaethau cyfreithiol.
 - c. Os oes angen gwneud hynny er budd y cyhoedd, e.e. er mwyn monitro cyfle cyfartal.
 - ch. Mewn sefyllfaoedd llai cyffredin, gallwn brosesu'r math hwn o wybodaeth os oes ei hangen mewn perthynas â hawliadau cyfreithiol neu os oes ei hangen i warchod eich buddiannau chi (neu fuddiannau rhywun arall) ac nad ydych yn gallu rhoi eich caniatâd, neu os ydych eisoes wedi rhannu'r wybodaeth yn gyhoeddus.

Penderfyniadau awtomataidd

10. Caiff penderfyniadau awtomataidd eu gwneud pan fydd system electronig yn defnyddio gwybodaeth bersonol i wneud penderfyniad heb ymyrraeth gan bobl. Dim ond mewn amgylchiadau cyfyngedig y caiff hynny ei ganiatáu. Nid ydym yn rhagweld y bydd unrhyw benderfyniadau awtomataidd yn cael eu gwneud amdano chi; fodd bynnag, os bydd hynny'n newid, byddwn yn eich hysbysu'n ysgrifenedig ac yn rhoi gwybod i chi beth yw eich hawliau yn y maes hwnnw.

Cadw data

11. Fel rheol, caiff eich data personol ei storio am uchafswm o 6 blynedd wedi i'r berthynas dan gontract rhyngom ddod i ben; fodd bynnag, rydym yn gweithredu cyfnodau cadw gwahanol, yn dibynnu ar y math o ddata sydd gennym. Ni fyddwn yn cadw eich data personol am fwy o amser nag sydd raid i gyflawni'r dibenion y casglwyd y data ar eu cyfer, gan gynnwys at ddiben bodloni unrhyw ofynion cyfreithiol neu ofynion o ran cyfrifyddu neu gyflwyno adroddiadau.
12. Er mwyn pennu'r cyfnod cadw priodol ar gyfer data personol byddwn yn ystyried swm,

natur a sensitifrwydd y data personol, y risg bosibl o niwed pe bai eich data personol yn cael ei ddefnyddio neu'i ddatgelu heb awdurdod, y dibenion y caiff eich data personol ei brosesu gennym ar eu cyfer ac a allwn gyflawni'r dibenion hynny trwy ddulliau eraill, a'r gofynion cyfreithiol sy'n berthnasol.

13. Os yw'n fwriad gennym, yn y dyfodol, brosesu eich data personol at ddiben ar wahân i'r diben y cafodd ei gasglu ar ei gyfer, byddwn yn rhoi gwybodaeth i chi am y diben hwnnw ac unrhyw wybodaeth berthnasol arall.

Diogelwch data

14. Mae gennym fesurau diogelu ar waith i gadw eich data'n ddiogel, sy'n cynnwys systemau diogelwch ar ddrysau er mwyn caniatáu mynediad i bobl ag awdurdod, a systemau wal dân fewnol er mwyn caniatáu mynediad o'r tu allan i'n systemau tai. Mae copi o'r mesurau diogelu ar gael gan ein Swyddog Diogelu Data.
15. Caiff eich data personol ei storio am uchafswm o 6 blynedd wedi i'ch contract ddod i ben; fodd bynnag, rydym yn gweithredu cyfnodau cadw gwahanol, yn dibynnu ar y math o ddata sydd gennym. Mae'r manylion llawn i'w gweld yn y Polisi Diogelu Data drwy glicio yma neu fynd i'r dudalen Adnoddau Dynol ar Yammer.

Eich hawliau

16. Dan y Rheoliad Cyffredinol ar Ddiogelu Data a'r Ddeddf Diogelu Data, mae gennych nifer o hawliau'n ymwneud â'ch data personol. Mae gennych yr hawl i:
 - a. **Gofyn i ni am fynediad** i'ch data personol (fe'i gelwir yn aml yn "gais am fynediad i ddata gan y testun"). Mae'n eich galluogi i gael copi o'r wybodaeth bersonol sydd gennym amdanoch a gwirio ein bod yn prosesu'r wybodaeth honno'n gyfreithlon.
 - b. **Gofyn i ni gywiro** eich gwybodaeth bersonol. Mae'n eich galluogi i sicrhau bod camau'n cael eu cymryd i gywiro unrhyw wybodaeth anghyflawn neu anghywir sydd gennym amdanoch.
 - c. **Gofyn i ni ddileu** eich gwybodaeth bersonol. Mae'n eich galluogi i ofyn i ni ddileu neu waredu gwybodaeth bersonol os nad oes rheswm da i ni barhau i'w phrosesu. Mae gennych hawl hefyd i ofyn i ni ddileu neu waredu eich gwybodaeth bersonol os ydych wedi arfer eich hawl i wrthwynebu ei bod yn cael ei phrosesu (gweler isod).
 - ch. **Gwrthwynebu ein bod yn prosesu** eich gwybodaeth bersonol, os ydym yn defnyddio ein buddiannau dilys ni (neu fuddiannau dilys trydydd parti) fel yr unig reswm dros wneud hynny ac os oes rhywbeth am eich sefyllfa benodol chi sy'n golygu eich bod am wrthwynebu unrhyw brosesu ar sail y rheswm hwnnw. Mae gennych hawl i wrthwynebu hefyd os byddwn yn prosesu eich gwybodaeth bersonol at ddibenion marchnata uniongyrchol.
 - d. **Gofyn i ni gyfyngu** ar y modd y caiff eich gwybodaeth bersonol ei phrosesu. Mae'n eich galluogi i ofyn i ni roi'r gorau i brosesu gwybodaeth bersonol amdanoch, e.e. os ydych am i ni gadarnhau bod y wybodaeth yn gywir neu gadarnhau'r rheswm dros ei phrosesu.

dd. **Gofyn i ni drosglwyddo** eich gwybodaeth bersonol i barti arall.

17. Os byddwch am arfer un o'r hawliau hyn neu am gael gwybod mwy amdanynt, neu os byddwch am wneud cais am fynediad i ddata gan y testun, dylech gysylltu â'n Swyddog Diogelu Data gan ddefnyddio'r manylion cyswllt sydd ar ddiwedd y ddogfen hon. Bydd dogfennau'n cael eu rhannu mewn fformat electronig. Ni fydd yn rhaid i chi dalu ffi i gael mynediad i'ch gwybodaeth bersonol neu arfer unrhyw un o'r hawliau eraill. Fodd bynnag, mae'n bosibl y byddwn yn codi ffi resymol os yw'n amlwg bod eich cais am fynediad yn ddi-sail neu'n ormodol neu os byddwch yn gofyn am gopïau caled. Fel arall, efallai y byddwn yn gwrthod cydymffurfio â'ch cais mewn amgylchiadau o'r fath. Mae'n bosibl hefyd y bydd angen i ni ofyn am wybodaeth benodol gennych er mwyn ein helpu i gadarnhau mai chi ydych chi a sicrhau bod gennych hawl i gael mynediad i'r wybodaeth. Mae hwn yn fesur diogelwch priodol arall i sicrhau na chaiff gwybodaeth bersonol ei datgelu i unrhyw berson nad oes ganddo hawl i'w chael.
18. **Hawl i dynnu caniatâd yn ôl:** Mewn amgylchiadau cyfyngedig lle gallech fod wedi rhoi caniatâd i'ch data gael ei gasglu, ei brosesu a'i drosglwyddo at ddibenion penodol, mae gennych yr hawl i dynnu'r caniatâd hwnnw'n ôl unrhyw bryd. Ni fydd hynny'n effeithio ar gyfreithlondeb y prosesu a ddigwyddodd cyn i chi dynnu eich caniatâd yn ôl. Os ydych am dynnu eich caniatâd yn ôl, dylech gysylltu â'r Swyddog Diogelu Data. Pan fyddwn wedi cael gwybod eich bod wedi tynnu eich caniatâd yn ôl, byddwn yn rhoi'r gorau i brosesu eich gwybodaeth at y diben neu'r dibenion y gwnaethoch gytuno ag ef/â nhw yn wreiddiol, oni bai bod gennym reswm dilys a chyfreithlon arall dros barhau i wneud hynny.
19. Mae gennych yr hawl i gyflwyno cwyn i Swyddfa'r Comisiynydd Gwybodaeth os ydych yn credu nad ydym wedi cydymffurfio â gofynion y Rheoliad Cyffredinol ar Ddiogelu Data neu Ddeddf Diogelu Data 2018 yng nghyswllt eich data personol.

Pwy yw'r rheolydd data a'r Swyddog Diogelu Data a beth yw eu manylion cyswllt

20. At ddibenion y Ddeddf Diogelu Data a'r Rheoliad Cyffredinol ar Ddiogelu Data, ateb Group Limited yw'r rheolydd data.

Os hoffech gael unrhyw wybodaeth bellach am y modd yr ydym yn trin y wybodaeth sydd gennym amdanoch, neu os oes gennych unrhyw bryderon am y modd y mae eich data'n cael ei brosesu, gallwch gysylltu â'n Swyddog Diogelu Data — Ceri Morgan: mydata@atebgroup.co.uk

Adolygwyd: Chwefror 2025